

忘情保命清通子母

辛酉歲下元濱州放籙立余爲度師余不從酬贈

聖經符籙太上爲師五師假度萬物無私深藏三寶終始一時
古今仙賢箇箇真慈道傳微妙瞬目揚眉磨開慧劍靈鎮蛇龜
中邊一佛達理無疑常讚人美只搜己非盡除我相德歸謙卑
眞平至行抱一無離住行坐臥運坎迎離知白守黑不讓圍棋
自然萬慧明者實稀靈丹一粒罪病都醫修完性命鬼使難追
眞無喜怒碧漢霄梯認得眞容勝禮牟尼鍊成七寶免販行屍
救生拔死閑樂希夷天條莫犯國法遵依了眞道貌似月無虧
隱光混濁外若憨癡洞天吟咏詩曲欣題松前石畔神飲刁圭
道藏輯要

仙樂集

三

胃集四
川文八

因何厭世無箇眞依休昧方寸賢聖暗隨去惡忘貪更沒災危
出離五道免了披皮朝元路上體掛仙衣海變桑田巨貌無衰
陰陽之外生滅難催應爲功德福過須彌授傳敬信下手休遲
清靜到頭功有高低上昇天堂下免陰司世迷情愛氣斷是誰
如龐似許永免輪迴

又

眞人大師未敢容易久聞至德清名無比廣積洪禧昔年混世
福地洞天也曾雲水碯石松前烹鉛鍊己內功預了古今有幾
頓悟歸依蓬萊一會

又

人間世愛應景芬芳仙家美景四序有常覺花無謝隱在中央
天香墜落自然異香慧眸能見別是重陽蓬壺閬苑不謝眞光
雲亭仙樂不讓高堂乘風要去卻到仙鄉各全功行慢慢休忙

又

處玄到州不要恁到各各念道始終常好會上每月不得求告
三請不來不要有懊卻生嗔怒死參閻老無罪歡樂勝貪苦惱
天元將盡難逢正教肯信余言眞遊蓬島

又

甲辰登郡黃籙重興昌陽感應書見明星祖師預顯下元文登
白龜蓮襯眞異分明資聖宮題昇化南京四友守墳曾近上清
同居五載雲水閑行天元將盡未得眞甯汞鉛鍊就別有眞形

道藏輯要

仙樂集

天

胃集四

上敬奉三教道眾并述懷

萬經頓悟清靜功夫眞要道成至死如初寸靈明了外貌若愚
夏涼冬暖閑看仙書松筠石畔自在清居萬慾不造舊業消除
鍊成三寶蛻下凡軀趨卻輪回昇入虛無大羅朝聖永住仙都

又

自揣難當廣惠道糧我無功行動勸恁從長少貪忘欲增福安康
田蠶要廣悟蠶省亡時時煎熬日日無常不修性命金寶多藏
惡業將去財與兒郎眞心頓覺做做丹陽救生拔死德徧十方
厭居人世昇入仙鄉